

D. D.

PLANTÆ
RARIORES
AFRICANÆ,

QUAS
CONSENS. EXPERIENT. FACULT. MED.
IN REG. ACADEM. UPSALIENSI.

PRÆSIDE
UIRO NOBILISSIMO ATQUE EXPERIEN-
TISSIMO.

DN. DOCT. CAROLO
LINNÆO

EQUITE AURATO DE STELLA POLARI

S:RÆ REG. M:TIS ARCHIATRO.

MED. ET BOTAN. PROFESSORE REG. ET ORD.

ACAD. UPSAL. HOLM. PETROPOL. BEROL. IMPERIAL.

LONDIN. PARIS. MONSPEL. TOLOS. FORENT.

SOCIO.

PUBLICO EXAMINI SUBMITTIT


JACOB PRINTZ

DALEKARLUS.

IN AUDIT. CAROL. MAJ. DIE DECEMB.

ANNI MDCCLX.

H. A. M. S.



H O L M I Æ,

Literis Direct. LAURENTII SALVII.

Viro Spectatissimo

D: NO J A C O B O
P R I N T Z

Ad Regiam Officinam Monetariam Avesta-
diensem

Camerario Integerrimo.

PARENTI OPTIMO INDULGENTISSMO.

Tenuem hanc opellam, Plantas in Africa
rariores illustrantem, Tibi, Pater Ca-
risime, omni, qua filium decet, veneratio-
ne offero; cum piis ad Deum præcibus, pro
perenni Tua Matrisque dilectissimæ felicitate
ad extremum vitæ halitum permanfurus.

OPTIMI PARENTIS

Filius obedientissimus
JACOB. PRINTZ.



ad ultimum sui angulum, ubi orbis se terminare quasi, nec ulterius progredi videtur, naturæ miracula adeo concentrasse putabitur Africa monstrifera, ut vegetabilia magis prodigiosa in hortos suos Botanicos e nulla Telluris parte potuerint introducere curiosi, quam ab ultimo Bonæ spei Promontorio. Plantæ hujus terræ nescio, quam ob causam, difficulter admodum pertransmissa semina in nostris propagantur hortis botanicis; unde factum est, ut tam raro conspiciantur, nisi in hortis Hollandicis, seu in illa natione, quæ Capitis bonæ spei domina, vivas inde plantas transportandi pollet potestate, aliis non facile concedenda. In hortis vero Europæis culturæ tempore Brumali, intra hybernacula, quam maxime florent, atque ideo fructum ad maturitatem non perducunt, sicque non adeo facile ex Hollandia in ceteras Europæ regiones disperguntur.

Atque hæc est ratio, cur plantæ Capenses diutissime fuerint obscuræ Botanicis, utpote qui ex arefactis specimenibus eas non nisi ægre ad genera reducere potuerunt, quibus tamen scientia nostro ævo feliciter est superstructa Botanica.

COLLECTA quidem hæc sunt vegetabilia ab *Heurnio*,
A 2 *Her-*

Hermanno, Oldenlando, Brunio, Hartogio, ut alios taceam, quorum tamen descriptiones non prodierunt, præter earum, quæ Hollandorum illata hortis indigenæ illustraverunt Botanici. Habuit sane magnam horum copiam maximus *Sherbard*, eamque laboriosissimo obtulit *Rajo*, tertio Historiæ ejus plantarum tomo describendam, sed quia ad certa & stabilita genera nondum adsurrexerat hæc scientia, solidi quidquam vix inde colligitur, iconibus præsertim non adjectis; FIGURAS autem vegetabilium Capensium vix habemus præter eas, quæ *Breynio, Hermanno, Petiverio, Commelino, Volkamæro, Dillenio & Burmanno* debemus.

Ceterum plantæ capenses huc usque Botanicis dilucide cognitæ in *Flora Capensi* ad 520 circiter species distinctas nuper sunt expositæ: sed 200 species adhuc forte facili colligi possent negotio, si quis ad hanc terram daretur aditus.

Hæc Regio rapidissimis exposita ventis & procellis, tot producit plantas FRUTICOSAS & alpinis textura similes, ut vix hujus generis tanta ullo alio in loco inveniatur copia, quæque maxime in nostris desiderari solet hortis. Plantæ ex his oris tantum SUCCULENTÆ, ut *Mesembryanthema, Crasulæ, Cotyledones, Aloes, Antherica, Tetragonia, Aizoa, Calicæ, Stapeliæ, Euphorbiæ, Gerania, &c.* huc usque præcipuum Hybernaculis nostris dederunt ornamentum; utpote quæ per cauliculos facilius transportari & propagari queunt. Scilicet succulentæ hæ, structura sua admiranda & insolita, spectatorum ita in se pertraxerunt oculos & admirationem, ut his in hybernaculo quopiam non visis, quod præcipuum est ibi desiderari sibi videantur Curiosæ. Nuper vero, intra paucos annos ex hac mundi plaga novam quasi coloniam plantarum BULBOSARUM introducta est, quæ floribus elegantissimis hortos curiosorum quasi animavit, ut pote *Gladialis, Antholyzis, Ixiis, Wachendorffis, Hamanthis, Orpitogalis, Hyacinthis, Anthericis, Scillis, Cyanellis &c.* quæ
bulbis

bulbis suis a patria sua facile transportandis, novis bulbil-
lis per Europam distribui potuerunt.

VARIETATIBUS plantæ Capenses præ ceteris in solo na-
tali ita superbiunt, ut omnem in illis examinandis adhibere
attentionem solertissimus etjam debeat Botanicus, ne in
errorem incidat, Ut plures taceam, nominare sufficiat *O-*
thonnæ bulbosam, quæ ordinarie caulem habet herbaceum &
folia ovata integerrima, sed eadem heic reperitur (β) foliis
lanceolatis integerrimis; (γ) foliis lanceolatis dentatis, (δ)
foliis lanceolatis angustissimis (ϵ) foliis sublanceolatis tri-
dentatis (ζ) foliis radicalibus pinnatis; (η) fruticosa & ramo-
sa foliis alternis lanceolatis dentatis; (θ) fruticosa & ra-
mosa apicibus ramorum foliis lanceolatis subsessilibus. Quin
etiam Genera copiosa, huic terræ propriæ, suis sæpe specie-
bus tam arcte inter se coeunt, ut oculatissimo etjam, ne
erret, omni perspicacia sit opus, ut in Leucadendris, Eri-
cis, Gnaphaliis, Mesembryanthemis, Geraniis, Aspalathis &
quæ sunt plures.

Præterea hæc regio, quæ plures habet species planta-
rum, flore composito, in illis etjam, maxime quæ flore sunt
radiato, hoc habet peculiare & notabile, quod RADIUS in
plerisque *subtus* sit *fusco-cæruleus* ut in *Calendulis*, *Arctotidi-*
bus, *Osteospermis*, *Othonna rigida*, *Gorteriis*, *Arniciis* &c.
quod heic æque est frequens, ac folia Triplinervia plantarum
compositarum Americæ septentrionalis, quæ res facem præ-
feret posteris ortum specierum investigaturis.

Quamvis vero plantæ Africanæ ab aliis omnibus tan-
topere abhorreant: EUROPEAS tamen magno numero tam
indigenas, quam hortenses his intermixtas, in collectioni-
bus plantarum capensium vidi, quod illis certe minus vi-
detur mirum, qui perpendunt temperatum hoc clima, In-
dica paritex ac Europea, facile admittere vegetabilia; unde
factum est, ut plurima posteriori hoc ævo jus quasi civita-

itis ad C. B. S. obtinuerint, antea extranea, dum scilicet
varia plantæ culinares & coronaria heic fuere confita vel
etiam alio modo cum plantis Europeis allata, ut:

Circæa	lutetiana	Tribulus	terrestris
Veronica	serpyllifolia	Potentilla	norvegica
Verbena	bastata	Anemone	coronaria
Valleriana	officinalis	Ranunculus	acris
			repens
Scabiosa	transylvanica	Lathræa	Clandestina
Sherardia	arvensis	Antirrhinum	chalepense
Asperula	cerulea	Scrophularia	peregrina
Crucianella	spicata	Sida	spinosa
Scoparia	dulcis	Malva	verticillata
Myosotis	arvensis	Genista	junceæ
Heliotropium	curassavicum		sagittalis
Campanula	Erinus	Ononis	fruticosa
Hyoscyamus	albus	Vicia	sativa
Nicotiana	fruticosa	Ervum	Ervilia
Sanicula	europæa	Lotus	hirsuta
Tordylium	maximum		cretica
	nodosum		angustissima
Coriandrum	sativum	Coronilla	coronata
Smyrnum	aureum		varia
Pimpinella	Anisum		Emerus
Fritillaria	Meleagris	Ornithopus	perpusillus
Epilobium	hirsutum	Medicago	polymorpha
Cassia	Chamæcrista		radiata
Ruta	graveolens	Tragopogon	picroides
Leontodon	autumnale	Anacyclus	creticus
Sonchus	oleraceus	Anthemis	altissima
Andryala	integrifolia	Achillea	Ptarmica
	lanata	Buphthalmum	aquaticum
Ageratum	coryzoides		maritimum
Artemisia	vulgaris		spinosum
			Gna-

Gnaphalium *saxatile*
 Erigeron *tuberosum*
 Asler *tradescanti*
 Chrysanthemum *creticum*

Helianthus *multiflorus*
 Calendula *bortensis*
 Poterium *sanguisorba*
 Valantia *Cruciata*

Confammatissimus Botanicus JOHANNES BURMANNUS, hodie
 Profesor Botanices Amsteeledamensis, qui per plantas Zeyla-
 nicas, Africanas, Amboinenses & Americanas immortalem sibi
 nominis gloriam apud posteros quamdiu plantæ virent,
 comparavit; Vir hic amplissimus Capensium plantarum in
 orbe Botanico perfectissimam possidet collectionem; hanc
 non Hermanni tantum & Oldenlandi Herbarium Capense
 tenet, sed etjam per amicos & Gubernatores Capitis Bonæ
 Spei, omnes, quæ conquiri in illis terris unquam possint,
 plantas sibi comparandi occasionem habuit optimam. Di-
 gnissimus tanto Patre filius. Doct. NICOLAUS LAURENTIUS
 BURMANNUS, egregio de *Geraniis* opere clarys, paternis-
 que adeo mascule in Botanicis insistentes vestigiis, maxi-
 mum utique subsecuturis diebus promittens incrementum
 scientia Botanica, attulerat, quando æstivo hujus anni
 tempore boreales has salutabat terras, vastissimam Patris
 collectionem plantarum Capensium, quæ omnia hæc ra-
 rissimæ vegetabilia, tam paucis visa, paucioribus vero ex-
 plorata, considerandi nobis ansam præbuit. Data occa-
 sione videndi has rarissimas plantas, non potui non fugi-
 tivis oculis & calamo aliquot flosculos notare, quos heic
 in memoriam optimi Burmanni sisto; Si vero quid nostræ
 præces apud nobilissimos aurei thesauri capensium posses-
 sores valeant, rogamus per sacra Floræ, ne graventur
 rarissimas suas plantas Capenses iconibus & commentariis
 illustrare, eadem plane methodo, qua plures antea capen-
 ses eorum studio æternitati consecratæ sunt, quo tandem
 remotissima Flora capensis rite innotescat Botanicis.

1. **HEMIMERIS** *bonæ spei*

Veronica africana, floribus ad genicula pedicellis biuncialibus.
Herm. afr. 783 Pluk. phyt. 320 f. 5.

Herba statura *Pedicularis*, *Caules* pedales, prostrati, læves.

Folia inferna terna (superiora ad flores sæpe alterna), petiolata, lanceolata, obtusa, pinnatifida. *Flores* axillares, alterni: *Pedunculo* longo, unifloro; purpurei lineis albescentibus. *Fructificatio* proxima *Veronicæ*, sed *Calyx* 5-partitus.

2. **GLADGOLUS** *alatus* foliis ensiformibus, petalis lateralibus latissimis.

Sisyrrinchium viperarum Pluk. phyt. 124: f. 6.

Bulbus. *Caulis* spithameus, crassiusculus, inter flores flexuosus.

Folia ensiformia, striata, lævia, obtusiuscula: floralibus brevioribus distiche digestis. *Corollarum* Galea falcata, angusta. Alæ ejusdem longitudinis, rhombeæ, latissimæ. Labium inferius tripartitum: foliolis ovatis, æqualis longitudinis.

3. **LEUCADENDRON** *hirtum* foliis lanceolatis apice callosis, caule hirsuto, floribus sparsis axillaribus.

Lepidocarpodendrum foliis sericeis brevibus confertissimis, fructu gracili longo. *Boerb. lugdb. 2. p. 194. f. 194.*

Frutex. *Folia* breviter lanceolata, vix pubescentia, conferta, apice callo simplici. *Calyces* glabri: squamis acuminatis, solitarii, axillares foliorum, eorumque longitudine.

4. **SCABIOSA** *rigida* corollis quadrifidis subradiantibus: squamis calycinis obtusis, foliis lanceolatis ferratis.

Scabiosa africana frutescens, foliis rigidis splendentibus & ferratis, flore albicante. *Comm. hort. 1. p. 185. f. 93. Raj. suppl. 237.*

Simillima *Scab. leucanthemæ*. *Caulis* fruticosus, nudus. *Folia* ferrata, nuda: inferiora obovata, in petiolis desinentia; reliqua lanceolata, sessilia. Ex alis *Stipulae* quasi duæ lineares. *Flos* longe pedunculatus. *Calyx* squamis subrotundis *Corollula* quadrifida, extus tomentosa: *Lacinia* extima paullo majore; unde parum radiatus flos.

5. *CHIRONIA lasminoides* herbacea, foliis lanceolatis.

Caulis herbaceus, tetragonus, lævis, altus. *Folia* lanceolata, opposita, sessilia, glabra, integerrima, articulis breviora, erecta. *Panicula* terminalis, dichotoma, erecta, pauciflora. *Bractææ* oppositæ, subulatæ. *Calyx* quinque-partitus: foliolis lanceolatis, acuminatis, patentiusculis, longitudine tubi corollæ. *Corolla* magnitudine Tabaci, tubo cylindrico; Limbo quinque-partito, patente, longitudine tubi: Laciniis ovatis, acuminatis. *Filamenta* quinque, filiformia, brevia, tubo insidentia. *Anthere* oblongæ, apice dehiscences. *Stigma* stylo insidens, capitatum. *Capsula* ovato-oblonga, mucronata, in 2 partes longitudinaliter dehiscens, stylo cohærens.

6. *PHARNACEUM cordifolium* foliis obcordatis.

Radix fibrosa. *Caules* herbacei, pedales, prostrati, læves, articulati, geniculis nodosis: squamulis membranaceis, congestis.

Rami alterni. *Folia* plurima, verticillata ad genicula caulis, obcordata, glabra, integerrima, articulis longe breviora. *Racemi* terminales, pedunculati, bipartiti. *Flores* albi, magnitudine *Spergulæ arvensis*.

7. *DROSERA cistiflora* caule folioso simplici, foliis lanceolatis.

Drosera foliis ad caulem oblongis alternis, flore ampla purpureo.

Burm. afric. 210. t. 75. f. 2.

Ros folis folio angusto, flore albo, caule folioso. *Raj. suppl.* 515.

Caules herbacei, simplices, pedales, pubescentes, *Folia* alterna, lanceolata, pilis glutinosis hispida. *Flores* terminales, 1. 2. f. 3, magni, pedunculati.

8. *CRASSULA Centauroides* caule herbaceo dichotomo, foliis cordatis sessilibus, pedunculis unifloris.

Sedroides africana annua centauroides, *Herm. par.* 169.

Caulis herbaceus, palmaris. *Folia* opposita, amplexicaulia, sessilia, lævia. *Caulis* superne dichothome corymbosus; ex axillis *flores* pedunculati, ramis breviores. Similis *CRASSULÆ dichotomæ*, sed folia latiora, floresque minores.

CRASSULA dichotoma caule erecto dichotomo, foliis ovato-lanceolatis, pedunculis unifloris.

B

Sedum

Sedum africanum annuum, centaurii minoris folio, flore aureo,
Herm. lugdb 550. t. 553. descr.

9. *CRASSULA strigosa* caule erecto, foliis oppositis obovatis strigosis, ramis dichotomis, pedunculis unifloris.

Radix annua. *Caulis* spithameus, herbaceus, subhispidus.

Folia opposita, obovata, obtusa, lineata, integerrima; inferiora sæpe petiolata; *Rami* dichotomi. *Flores* dichotomi (ad apices ramorum plures), pedunculati, uniflori. *Calyces* strigosi. *Petala* ovata, longitudine calycis.

10. *CRASSULA muscosa* foliis oppositis imbricatis ovatis gibbis caulem obtegentibus, floribus sessilibus.

Ficoides africana annua minima muscosa. *Herm. par.* 170.

Caules filiformes, rarius ramosi, tecti *Foliis* minimis, ovatis, oppositis, sessilibus, carnosis, obtusiusculis; in exsiccatis sub foliorum margine ordo punctorum. *Flores* ex alis solitarii, omnium minutissimi, longitudine foliorum.

11. *AMARYLLIS capensis* spatha uniflora remotissima, corolla æquali.

Sisyrinchium Corn. canad - - -

Bulbus reticulo obductus. *Folia* Narcissi, longitudine scapi.

Scapus infra medium vaginatus. *Spatha* persistente, acuminata, plana *Petala* lanceolata, basi interiore atra. *Staminum* filamenta brevissima. *Antheræ* erectæ, petalis dimidiò breviores. *Germen* inferum. *Stylus* trigonus, longitudine antherarum. *Stigmata* tria.

12. *MELANTHIUM punctatum* petalis punctatis, foliis maculatis.

Caulis simplicissimus, palmaris. *Folia* lanceolata, amplexicaulia, perfoliata s. cucullata s. inferne vaginantia vagina superne dilatata; sunt hæc in caule 4, supremo & infimo minimo. *Racemus* terminalis. *Petala* ovalia, subunguiculata, punctata. *Stamina* receptaculo fere inserta. *Styli* tres.

13. *SEPTAS capensis*.

Sanicula aizoides serpyllifolia minor. *Pluk. mant.* 166 t. 330 f. 9.
Radix

Radix perennis. *Folia* radicalia, quatuor, obtusa, nuda, crenata: duobus inferioribus oppositis, majoribus, sub-petiolatis, sub-rotundis; Duobus superioribus oppositis, ovalibus, sessilibus, angustioribus. *Scapus* filiformis, nudus, longitudine digiti, terminatus *Umbella* simplici: pedunculis 7. 1. 8. filiformibus, unifloris, nudis. *Involucellum* minimum. Ordine naturali Saxifragis & Sedis accedit. *Calyx* 7 partitus. *Petala* 7. *Germina* 7. *Pistilla* 7.

14. *ERICA spumosa* antheris bifidis inclusis, calycibus trifloris inflatis inflexis, foliis ternis lævibus..

Erica africana, -flore rubro pleno. *Seb. mus.* 2. p. 11. t. 9. f. 18. *mala*.

Fruticulus ramulis angustis. *Folia* terna, ovato-oblonga, triquetra, glabra, carina canaliculata. *Flores* terminales, nutantes, sessiles. *Calyces* globosi & singulari modo undati Squamis subrotundis, inflatis, apice carinatis & inflexis, purpurei, continentes *flosculos* tres, flavos, vix calyce longiores. *Stylus* longus.

15. *ERICA halicacaba* antheris bifidis inclusis, corollis maximis, foliis ternis linearibus lævibus.

Frutex altior: *Ramulis* purpurascens, minimis, albo-tomentosis. *Folia* terna, confertissima, lævia, margine scabra.

Pedunculi foliis breviores, subsolitarii. *Calyx* foliolis ovatis, carinatis, coloratis, corolla triplo brevioribus. *Corolla* ovata, pentagona, inflata, magnitudine & facie *Physalidis viscosæ*, distinctissima magnitudine, qua omnibus longissime superat. *Stamina* profunde bifida, corolla longe breviora.

16. *PASSERINA capitata* foliis lanceolato-linearibus glabris, floribus capitatis: receptaculis incrassatis.

Thymeleæ foliis linearibus alternis, ex uno petiolo copioso. *Burm. afr.* 133 t. 48. f. 3.

Caules fruticosi, compositi. *Rami* virgati, rubri. *Folia* alterna, erecta, linearia, acuminata, basi petiolari alba.

Pedunculi communes ex apice ramorum, turbinati, tomentosi. *Flores* plures, sessiles, albi, tomentosi.

17. *ANTIRRHINUM bicornne* foliis oppositis oblongis serratis, caule erecto, floribus racemosis, capsulis bicornibus.

Linaria foliis copiosis oblongis dentatis, capsula corniculata reflexa. *Burm. afr.* 211. t. 75. f. 3.

Caulis herbaceus, lævis, sesquipedalis, tetragonus, brachiatus.

Folia opposita: inferiora ovato oblonga; superiora lanceolata, glabra, sessilia, profunde & remote serrata. *Racemi* terminales. *Flores* cærulei, fauce lutea, calcaris flore brevioris. *Capsula* ovata, compressa, bifida lobis divaricatis.

18. *BUCHNERA Africana* foliis dentatis oppositis, calycibus subtomentosis fructu longioribus

Pedicularis æthiopica, rutæ caninæ aspero & fragili folio. *Pluk. alm.* 283. t. 310. f. 2.

Simillima *Buckn. asiaticæ*; sed *Calyx* major, mollis nec scaber; quadrifidus. *Corolla* alba, statura *Rhinanthi*. Tota planta exsiccata nigra evadit.

19. *SELAGO Lychnidea* spica terminali, foliis lanceolatis subpetiolatis serratis obtusiusculis subtomentosis.

Lychnidea villosa, foliis oblongis dentatis, flor. spicatis *Burm. afr.* 13. t. 49. f. 4.

Caulis simplex. *Folia* alterna, ex alis ramulosa. *Spica* longa floribus demum remotis. *Corollæ* extus tomentosæ, colore tristi noctu fragantes. *Stamina* didynama, in fauce ventricosiore tubi corollæ. *Stylus* capitatus.

20. *SELAGO rapunculoides* spicis corymbosis, foliis omnibus dentatis.

Rapunculus, foliis angustissimis dentatis, floribus umbellatis. *Burm. afr.* 13. t. 42. f. 1.

Corollæ tubus filiformis; limbus quinquefidus: *Lacinio* superiore majore; duabus vero infimis minoribus. *Stigma* crassiusculum, bifidum. *Calyx* quadrifidus, subulatus.

21. *SELAGO cocinea* spicis corymbosis, foliis inferioribus linearibus integerrimis; superioribus lanceolatis subdentatis.

Simillima *Selag. rapunculoidi*, sed *Folia* crassiora, glabra, inferiora minime dentata. *Caules* e radice plures, pedales, simplicissimi. Tota planta exsiccata atra evadit. *Flores* saturatissime purpurei; extrema corollæ lacinia majore.

22. *SELAGO tomentosa* foliis obovatis crenatis, caule prostrato, racemis ramosis.

Pluk. phyt. 319. f. 2.

Herba tota tomentosa. *Folia* obovata, crenata, obtusa, tomentosa, opposita. *Racemus* terminalis e racemulis alternis, alterne subramosis. *Flores* angusti, colore tristi. *Stamina* in fauce ventricosiore tubi, didynami. *Stylus* capitatus.

23. *CHEIRANTHUS africanus* foliis lanceolatis integerrimis subhirsutis acutis, siliquis compressis, caule herbaceo.

Leucojum africanum, cæruleo flore, latifolium. *Herm. lugdg. 364. s. 365.*

Caulis herbaceus, adpersus pilis rarioribus. *Siliquæ* compressæ, læves, terminatæ mucrone longiusculo.

24. *HERMANNIA trifurca* foliis lanceolatis integris tridentatis. *Althæa africana frutescens. Volk. norib. 24 t. 24. 2.*

Frutex. Folia. incana, vix tomentosa, duriuscula, lanceolata; at inferiora obtusa, tricuspidata. *Flores* in racemo terminali; alterni, dependentes, subsolitarii. *Petala* cærulea, minus cucullata.

Affinis maxime *Herm. alnifolia*. *Figura Volkameri* ad plantam cultam facta, nostra descriptio a planta in loco natali lecta.

25. *HERMANNIA triphylla* foliis ternatis petiolatis.

Caulis herbaceus in ipso specimine. *Sipulae* parvæ. *Folia* ternata, plana, obovata. *Petala* longitudine foliorum. *Pedunculi* adhuc longiores, quinqueflori cum bracteis. Tota planta pilis raris adpersa. Diversa ab *H. trifoliata*.

26. *GERANIUM incanum* pedunculis bifloris, calycibus aristatis, petalis integris, pericarpis hirsutis, foliis subdigitatis.

Geranium pedunculis bifloris, foliis multipartitis; laciniis linearibus. *Roy. lugdb. 331. e. 11. Burm. Geraz. 26. t. 26.*

Geranium africanum tenuifolium robertiani divisuris *Pluk. phyt. 186. f. 4*

Folia *Potentillæ* argenteæ; alia ultra medium 5-fida pennatifida; alia digitata: pinnis linearibus pinnatifidis. *Stipulae* trifidæ.

27. *SPARTIUM scoparium* foliis superioribus sparsis filiformibus.

Genista africana, pinastri foliis, floribus spicatis luteis. *Raj. dendr.* 105.

Genista foliis *genistæ hispanicæ*: superioribus junceis. *Herm. afr.* 11.
Rami a foliis decidui scabri. *Folia* filiformia, digitali longitudine, confertissima & fere verticillatim nata. *Racemi* terminales. *Flores* lutei.

28. *SPATIUM capense* ramis lateraribus alternis, foliis alternis lanceolatis.

Genista foliis *genistæ tinctoriæ* majoribus. *Herm. afr.* 11.

Frutex Ramis lævibus, alternis. *Folia* *genistæ tinctoriæ* s. *Linariæ* confertiora. *Flores* aliquot ad summos ramulos foliosos.

29. *BORBONIA ericifolia* foliis sublinearibus acutis, subtus villosis, capitulis terminalibus.

Genista Africana, *ericæ* folio, floribus parvis luteis, in capitula congestis. *Raj. suppl.* 105.

Frutex parvus, subvillosus. *Folia* alterna, parva, ovato linearia, enervia, supra glabra, subtus villosa, imagine revoluta. *Capitula* terminalia, sessilia, Floribus parvis.

30. *ASPALATHUS capitata* foliis fasciculatis linearibus acutis, floribus capitatis, bracteis nudis.

Convenit cum *A. chenopoda* foliis fasciculatis; subpilosis, caule piloso; capitulo terminali. *Differt* ab eadem foliis magis incurvis acutis, at non pungentibus, Capitulisque nudis, nec hirsutis. *Florum* Carina arcuata, longitudine vexilli.

31. *ASPALATHUS quinquefolia* foliis quinis sessilibus, pedunculis spicatis.

Cytisus, angustis parvis acutioribus & incanis foliis, æthiopica, floribus fulva lanugine hirsutis. *Pluk. alm.* 128. t. 273. f. 4.

Frutex. *Folia* quina, sessilia: foliolis lanceolatis, petiolatis, subpiosis, mucronatis; lateralibus paulo brevioribus. *Pedunculi* foliis multoties longiores, racemoso-spicati. *Corollæ* supra tomentosæ.

32. *ASPALATHUS pinnata* foliis pinnato-quinatis obcordatis, pedunculis capitatis.

Frutex

Frutex affinis *Aspalatho* quinque folio. *Folia* petiolis brevissimis pinnata: foliolis quinque, approximatis, obcordatis, subpilosis, subtus tomentosis. *Pedunculus* foliis longior. *Spica* subrotunda. *Corollæ* extus subtomentosæ.

33. *CYTISUS psoraloides* spicis pubescentibus, ramis angulatis, foliolis laceolatis, caule sufruticoso.

Pluk. phyt. 320. f. 3.

Frutex pedalis: Ramis angulatis, sæpe canescentibus. *Stipulæ* subulatæ. *Folia* ternata, petiolata: Foliola omnia sessilia, lanceolata, nudiuscula. *Spicæ* pedunculatæ, erectæ, calycibus pubescentibus, floribus arcte reflexis. *Fructus* nobis ignotus

34. *PSORALEA apylla* foliis ovatis sessilibus adpressis acutis.

Genista spartium cæruleum Cap. b. spei *Breyn. cent. t.* 25.

Frutex totus non habet alia *Folia* quam *Stipulas* alternas, evatas, acutas, arcte cauli adpressas. *Flores* cærulei, ad apices ramorum alterni, solitarii, brevissime pedunculati, gluma bivalvi ut in *Psoralea aculeata*.

35. *PSORALEA hirta* foliis ternatis, floribus ternatis sessilibus.

Frutex ramis hirtis rigidis. *Folia* ternata, petiolata: Foliolis subpetiolatis, obovatis, subpubescentibus, mucrone reflexo. *Flores* terni, sessiles, in apicibus ramorum rigidorum, sæpe triplici in loco, violacei. *Calyces* hirsutiusculi.

36. *PSORALEA prostrata* foliis supradecompositis digitatis linearibus.

Planta a reliquis habitu recedens & singularis. *Caules* decumbentes, filiformes. *Stipulæ* erectæ. *Folia* digitata: intermedio trifido; partialibus pinnatis foliolis linearibus. *Pedunculi* axillares, racemo subrotundo. *Flores* lutei.

37. *INDIGOFERA trifoliata* foliis ternatis, racemis elongatis, leguminibus cernuis.

Caulis herbaceus. *Folia* alterna, remota, petiolata, ternata: foliola sessilia, æqualia, lineari-lanceolata. *Stipulæ* subulatæ. *Racemi* longi, flexiles. *Flores* violacei. *Legumina* Indigi. tinctoriæ.

38. *CROTALARIA perforata* foliis petiolatis ovatis margine scabris.

Caulis

Caulis lævis, *Ramis* alternis. *Folia* perfoliata, ovata, glabra, venosa, margine scabra s. denticulata, vix pollicaria. *Flores* parvi, ex summis alis, pedunculo bidoro. *Legumina* compressa, glabra, non pedicellata, acuta.

39. *CROTALARIA amplexicaulis* foliis caulinis amplexicaulibus cordatis alternis, floribus oppositis reniformibus.

Genista perfoliata, orbiculatis foliis. *Seb. mus.* I. I. 24. f. 5.

Frutex glaber. *Folia* amplexicaulia, cordata, glabra. *Rami* floriferi dichotomi: foliis oppositis, reniformibus s. orbiculato-cordatis, sessilibus. *Flores* e dichotomia, solitarii, pedunculati, lutei.

40. *CROTALARIA imbricata* foliis simplicibus ovatis acutis villosis subsessilibus, floribus subsessilibus.

Frutex nodis a casu foliorum verrucosus. *Folia* conferta, subimbricata, subsessilia, simplicia, ovata, acuta, tomentoso-villosa, sericea, parva, exstipulata. *Flores* subsessiles, solitarii, purpurei.

41. *ONONIS capensis* racemis pedunculatis longis, foliis ternatis suborbiculatis.

Herba pubescens. *Stipula* subcordata. *Petiole* foliolis longiores. *Folia* ternata: foliolis petiolatis, apice mucronatis, suborbiculatis: intermedio longius petiolato; magisque retuso. *Racemi* axillares, solitarii, simplices, foliis duplo longiores. *Floribus* circiter 6, alternis. *Corollae* flavae, purpurascenti-violaceae.

42. *ONONIS cernua* spicis sessilibus, leguminibus nutantibus pilosis linearibus.

Lotus africana annua hirsuta, floribus luteis. *Comm. hort.* 2. p. 163. t. 82.

Caules diffusi, teretes, pilosi. *Folia* alterna, petiolata, pubescentia: foliolis oblongis, obtusis, sessilibus. *Spicae* terminales, sessiles, floribus remotis luteis. *Legumina* longa, compressa, pilosa, nutantia, parum versus futuram dorsalem recurvata.

43. *LUPINUS integrifolius* calycibus alternis appendiculatis, foliis simplicibus oblongis villosis.

Caulis herbaceus, villosus. *Folia* alterna, petiolata, lanceolata-

to-ovata l. ovali-oblonga, integerrima, acuta, utrinque valde villosa. *Racemi* simplices, erecti, uti *Calyces* villati; *Calycis* labium superius bifidum, integrum. *Corollæ* cæruleæ.

44. **DOLICHOS** *capensis* caule volubili, pedunculis subbifloris, legum. ellipticis compressis, foliis glabris.

Phaseolus africanus luteus, siliquis brevibus depressis. *Herm. afric.* 17.

Caulis filiformis vel paulo crassior, angulatus, lævis, volubilis. *Stipule* ovatæ, acutæ, striatæ, minimæ. *Folia* ternata, petiolata: *Foliolis* ovato-oblongis, acuminatis, glabris, venosis. *Pedunculi* longi, apice subbiflori. *Legumina* ovalia, utrinque acuta, futura dorsali rectiore, glabra, compressa. *Semina* sæpius duo.

45. **HIERCUM** *capense* foliis oblongis dentatis scabris, caule nudo multifloro, pedunculis serioribus altioribus.

Herba *Folia* ovalia s. oblonga, obtusa, scabra, serrato-dentata. *Scapus* pedalis, lævis, adpersus foliolis aliquot alternis, subulatis, minimis. *Flos* terminalis; ex alis foliorum *Pedunculi* laterales primo altiores & ex horum pedunculis alii laterales peduncelli adhuc altiores.

46. **CARLINA** *attractydois* caule subramoso, calycibus spinis ciliatis.

Carlina polycephalos, polyachanthæ vulgari similis, æthiopica *Pluk. alm.* 86. t. 273. f. 4. mala.

Statura *Atractylidis*. *Caulis* parum ramosus, albo villosus. *Folia* Cardui, angusta, spinosa. *Calyces* in pedunculis brevissimis, imbricati, echinati & spinis ciliati. *Corollæ* flavæ. *Semina* margine coronata. *Receptaculum* paleaceum.

47. **BIDENS** *tenellus* seminibus erectis, calycibus subtetraphyllis, foliis linearibus, pedunculis capillaribus.

Caulis annuus, filiformis, purpurascens, subtrichotomus, spithameus. *Folia* opposita s. terna, linearia, integra, scabra. *Pedunculi* terminales, capillares, nudi, uniflori. *Calyx* oblongus sæpius foliolis 4 lanceolatis. *Flosculi* sæpius 5. *Semina* arista læviusculæ.

48. **PTEROPHORA** *camphorata*.

C

Peropho-

- Pterophora camphorata*, foliis ad margines pilosis. *Vaill. Art.* 375.
Frutex ramis scabris. *Folia* sparsa, linearia, acuta, basi ciliata.
Calyces terminales foliolis margine scabris. *Corollæ* luteæ, discoidæ. *Pappus* seminum subplumosus. *Receptaculum* setosum, paleis multipartitis.
49. **CHRYSOCOMA** *oppositifolia* foliis oppositis obovatis, floribus fasciculatis pedunculatis.
Cyanus arborescens minor, foliis majoranæ. *Breyn. prodr.* 3. t. 17. f. 2.
Frutex Ramis brachiatis, distortis. *Folia* opposita, subpetiolata, subtomentosa, obovata, obtusissima. *Flores* lutei, terminales, congesti, pedunculati. *Calyces* cylindrici, imbricati, obtusi, corolla breviores.
50. **SANTOLINA** *capitata* floribus terminalibus sessilibus, foliis lanceolatis hirsutis
Crysanthemum conyzoides æthiopicum, capitulo aphylo, foliis majoranæ. *Breyn. cent.* t. 78.
Folia ovata s. lanceolata, confertius alterna; vel tota pilosa, 1. basi tantum pilosa. *Flores* sessiles, terminales, 1, 2. s. 3. *Fru-
 stificatio* ut in *Santolina trifurcata* vel *crithmifolia*.
51. **SANTOLINA** *lævigata* corymbo composito, foliis ovatis amplexicaulibus subdentatis recurvis.
Planta similis Sant. squarrosæ, sed *corymbi* compositi, terminales. *Flores* majores. *Folia* basi latiora.
52. **SANTOLINA** *squarrosa* foliis ovalibus mucronatis recurvatis.
Fruticulus determinate ramosus, inæqualis. *Folia* alterna, sessilia, ovalia, mucronata, glabra, recurvata. *Pedunculi* ex alis foliorum, solitarii, uniflori, foliis longiores. *Calyces* oblongi, imbricati, læves: squamis intimis linearibus, membranaceis, patentibus. *Flosculi* æquales, hermaphroditi. *Paleæ* lineares, longitudine flosculorum. *Semina* pappo brevissimo coronata.
53. **GNAPHALIUM** *arborescens* foliis linearibus acutis nudis subtus tomentosis, floribus subcapitatis, caule arboreo.
Frutex humanæ altitudinis, determinate ramosus. *Folia* Rosmarini, conferta, sessilia, stricta, linearia, acuta, nuda, margine

gine revoluta, subtus uti rami, tomentosa, foliis minoribus alternis remotis. *Corymbus* adeo confertus ut capitatus adpareat. *Calyces* albi, cinereo-villosi.

54. **GNAPHALIUM** *serratum* foliis semiamplexicaulibus lanceolatis denticulatis supra nudis.

Gnaphalium folio oblongo acuto molli, floribus ferrugineis. *Burm. afric.* 214. t. 76. f. 3. *Bregn. prodr.* 3. t. 18. f. 2.

Planta suffruticosa. *Flores* aurei.

55. **GNAPHALIUM** *stellatum* foliis villosis, calycibus extus incarnatis, intus niveis acutis.

Gnaphalium tomentosum. *Burm. afric.* t. 80. f. 1.

Herba. *Caules* plures, semipedales. *Flores* glomerati. *Calyces* glabri: foliolis numerosis (ut flos quasi plenus videatur), ovatis, acutis, incarnatis, intus albisimis, acutis.

56. **GNAPHALIUM** *nudifolium* foliis lanceolatis nudis trinerviis-reticulato-venosis.

Chrysocoma aethiopica, plantaginis folio. *Breyn. cent.* t. 71.

Folia radicalia, lanceolato-ovata, trinervia, minime tomentosa, sed nuda, venis reticulata, margine scabra. *Caulis* simplex, pedalis, superne aphyllus. *Flores* lutei, in corymbos compositos digesti.

57. **GNAPHALIUM** *ericoides* caule fruticoso tomentoso, foliis linearibus, calycibus extus nudibus, intus incarnatis.

Planta misera foliis & floribus depauperatis. *Fruticulus* ramis virgatis, rigidis, inaequalibus. *Folia* linearia, remota, minutissima. *Flores* terminales, pauci, subsessiles. *Calyx* exterior rudis ex foliolis cinereo-viridibus, subtomentosis; interior ex squamis glabris, incarnatis, oblongis.

58. **GNAPHALIUM** *cylindriflorum* foliis oblongis tomentosis, corymbis inaequalibus, calycibus glabris cylindricis sessilibus.

Pluk. phyt. 293. f. 4.

Herba ramosa, diffusa, spithamea, tota tomentosa. *Folia* oblonga, sessilia. *Corymbi* inaequales, plurimi. *Calyces* omnino cylindrici & proportionem longiores, quam in reliquis, imbricati

obsolete incarnati f. ferruginei, imbricati squamis æqualibus, ovatis, obtusiusculis.

59. GNAPHALIUM *glomeratum* caulibus ramosissimis diffusis, calycibus subfasciculatis sessilibus: squamis intimis nudis subulatis recurvis.

Statura Gnaphalii uliginosi. *Herba* ramosa, diffusa, spithamæa. tomentosa. *Rami* inæquales. *Folia* lanceolata, vix amplexicaulia. *Calyces* terminales, aliquot, sessiles, tomentosi: squamarum ordine interiore subulato, canaliculato, ferrugineo, recurvo.

60. XERANTHEMUM *canescens* caulibus fruticosis, foliis ovatis nudis, pedunculis squamosis.

Xeranthemum incanum, foliis subrotundis, flore purpureo. *Burm. afr.* 183. t. 68. f. 1.

Frutex *Folia* ovalia f. elliptica, pubescentia, parva confertiora. *Pedunculi* terminales, plures, uniflori. *Flores* magni, albi, extus purpurei.

61. XERANTHEMUM *imbricatum* foliis imbricatis, ovato-subulatis glabris.

Gnaphalium, foliis thymi incanis dense stipatum. *Breyn. prodr.* 3. t. 18. f. 1

Frutex canescens: *Ramis* compositis. *Folia* ovato-lanceolata, alterna, conferta, sessilia & fere imbricata, adpressa, parva. *Flores* terminales, subsolitarii. *Calyces* oblongi f. obovati: squamis acutis, pubescentibus: intimo ordine squamis longioribus, membranaceis, albis, acutis, calyce multo brevioribus. *Pappus* pilosus, apice parum plumosus.

62. SENECIO *perficifolius* corollis nudis, foliis lanceolatis integerrimis basi subdentatis.

Caulis simplex, parum villosus. *Folia* sessilia, lanceolata, acuminata, subtus tomentosa, ad basin utrinque denticulo uno alterove vix conspicua semper notata. *Flores* corymbosi, terminales. *Calyx* calyculatus.

63. SENECIO *virgatus* corollis nudis, foliis lyratis subtus tomentosis, pedunculis unifloris squamis subulatis.

Sub-

Subfrutescens: *Ramis* tomentosis. *Folia* petiolata, lyrata, subtus tomentosa f. lanata, albaque. *Pedunculi* terminales, uniflori, laeves, recti, longi, adspersi foliolis subulatis alternis.

64. *SENECIO umbellatus* corollis radiantibus calyce longioribus, foliis pinnato-dentatis denticulatis: laciniis distantibus.

Caulis simplex, superne ramosus. *Folia* nuda, pinnato-dentata: pinnulis remotis, linearibus, acutis, subdentatis. *Flores* umbellati: *Pedicellis* foliolis subulatis adspersis. *Calyces* laeves, quasi coarctati ubi apices patent. *Corollae* radius luteus, subtus striis rubicundis.

65. *SENECIO pubigerus* corollis radiantibus, petiolis radicalibus lanatis, foliis pinnatifidis, caulibus simplicissimis, floribus lateralibus sessilibus.

Iacobæa spicata monomopatensis: *Breyn cent. t. 65.*

Species a *Senec. hastata* distinguenda. *Radix* perennis. *Folia* radicalia, glabra, pinnatifida, obtusa, crenata, petiolis basi lana mollissima notatis. *Caules* pedales, simplicissimi: foliis 3. f. 4. semiamplexicaulibus, pinnatifidis, parvis. *Flos* terminalis, luteus; saepe & laterales sessiles. Radius corollae violaceus, quo a *S. Hastato*, qui radio est luteo, primo intuitu distinguitur.

65. *ASTER crinitus*, foliis ovato-oblongis acutis subtus tomentosis, calycibus squamis pilo terminatis.

Rami rarius subramosi, pubescentes. *Folia* sessilia, ovata, margine scabra, subtus albo-tomentosa. *Calycis* squamæ in crinem fuscum desinentes; *Radius* corollae violaceus. *Pedunculi* terminales, foliosi, uniflori.

67. *ASTER tenellus* foliis subfiliformibus scabris, pedunculis nudis, calycibus hemisphaericis.

Pluk. phyt. 271. f. 4.

Planta spithamæa, ramosissima. *Folia* linearia, angustissima, sparsa, scabra setis sparsis, brevibus, rigidulis. *Pedunculi* terminales, solitarii, longi, nudi. *Calyx* æqualis, hemisphaericus. *Corollae* radius cæruleus, disco luteo brevior.

68. *ASTER imbricatus* foliis subimbricatis recurvatis serrato-ciliatis, caule fruticoso.

Frutex. Folia conferta, subimbricata, glabra, parva: inferiora ferrata; superiora ciliata. Flores terminales, sessiles, solitarii.

69. *ASTER taxifolius* foliis subulatis rectis decurrentibus margine scabris, caule fruticoso.

Caulis fruticosus, compositus. Folia alterna, confertiora, decurrentia, linearia margine revoluta, subtus tomentosa, rigida, acuta, recta, ad margines setis brevissimis scabra. Flores terminales, sessiles, solitarii.

70. *INULA pinifolia* foliis subulato-linearibus triquetris confertissimis, caule fruticoso.

Iacobæa æthiopica, Laricis folio. Breyn. cent. t. 64.

Helenium fruticosum afrum, foliis creberrimis pinum æmulantibus. Vaill. act. 576.

Frutex virgatus, scaber, facie Laricis. Folia confertissima, linearia s. subulata, triquetra, mucronata, glabra. Flores subsolitarii, sessiles, terminales, lutei. Pappus simplex.

71. *INULA aromatica* foliis linearibus integerrimis tomentosis sparsis, caule fruticoso.

Aster frutescens luteus mauritanicus. Pluk. alm. 58. t. 326. f. 2.

Caules fruticosi. Rami alterni, conferti, simplices. Folia alterna, conferta, linearia, (lavendulæ) margine recurva, utrinque tomentosa. Flores solitarii, terminales, sessiles. Calyces oblongi, imbricati. Radius albo-subincarnatus

72. *PERDICIUM capense.*

Radix fibrosa. Folia radicalia Taraxaci similia, nuda. Scapi nudi, uniflori, longitudine foliorum. Flos magnitudine Leontodontidis. Calyx Scorzonæræ. Corolla radiata: corollula semibifida: labio interiore bipartito; exteriori tripartito. Pappus simplex. Receptaculum nudum.

73. *ARNICA piloselloides* foliis ellipticis integerrimis villosis, scapo unifloro lanato, calyce radium æquante.

Aster æthiopicus pilosellæ facie, tomento copioso. Raj. suppl. 165. n. 95.

Folia radicalia, elliptica, Hieracii aurantiaci, integerrima, valde villosa,

villosa, supra viridia, subtus virescentia. *Scapus* uniflorus, aphyllus, foliis duplo longior, superne magis lanatus. *Calyx* supra glaber, longitudine radii corollæ. *Corolla* radius masculus, purpureus. *Pappus* rufescens.

74. *CALLISIA gnaphalodes*.

Aster æthiopicus, *stæchadis* folio, flore aureo. *Herm. lugdb.* 68 t. 71.

Breyn. prodr. 3. t. 14 f. 3.

Asteropteus luteus, lariois foliis. *Vaill. act.* 585.

Fruticulus facie *Gnaphalii saxatilis*. *Folia* sparsa, linearia, acuta, tomentosa. *Pedunculi* nudi, uniflori, longi. *Calyces* scariosi, lutei uti corolla radiata. *Radius* femineus. *Semina* Hermaphroditorum *Pappo* piloso, 5-seto, longo, intra quem corona paleacea; Femineorum absque pappo exteriori. *Paleæ* tantum flosculos femineos distinguunt.

75. *ANTHEMIS, leucantha* suffruticosa, foliis sub lanceolatis, dentatis acutis indivisis.

Asteriscus aser, imo calyce non folioso. *Vaill act.* 506. n. 2.

Caules stricti, simplicissimi, pedales. *Folia* conferta, lanceolata, acuta, indivisa, serraturis utrinque 2 f. 3 argutis. *Flores* terminales, *Leucanthemi*, solitarii, *Disco* luteo, *Radio* albo. *Calyeis squamæ* inferiores laxiores.

76. *BUPHTHALMUM capense* calycibus acute foliosis, foliis lanceolato-linearibus recurvis denticulato-ciliatis.

Caulis fruticosus, compositus: *Ramis* adscendentibus, inferne tectis cicatricibus ex emortuis foliis; superne vero foliis virentibus, ortis ad apices ramorum. *Folia* opposita, sessilia, angusta, acuta, canaliculata, recurva, denticulata f. ciliata. *Calyces* terminales, solitarii, sessiles, foliosi, foliolis lanceolatis: caulinis latioribus. *Corollæ* radius longitudine disci. *Semina* squamis coronata.

77. *GORTERIA squarrosa* foliis caulinis subulatis dentato-spinosis recurvatis, floribus terminalibus sessilibus.

Caulis fruticosus *Ramis* simplicioribus. *Folia* conferta, basi adunco subdecurrentia, subulata, integra, utrinque 4 fetis spinosis ciliata, apice spinosa, mucronata, reflexa, pollicaria, undique caulem

caulem obvallantia, supra convexa, subtus canaliculata. *Rami* aliquot terminales. *Flores* sessiles, terminales. *Calyx* squamosus foliolis rameis similibus. *Flores* parvi, lutei.

78. OSMITES *camphorina* foliis lanceolatis subserratis.

Frutex. *Folia* sessilia, alterna, conferta, tomentosa, serrata, vix basi. *Flos* terminalis, sessilis. *Calyx* foliosus. *Corollæ* Radius albus, neuter. Discus flavus. *Semina* nuda. *Paleæ* apice cæruleæscentes. *Odor* camphoræ intensissimus.

79. OSMITES *asteriscoides* foliis lanceolatis punctatis, calycibus foliolis.

Leucanthemum fruticosum, foliis crassis *Burm. afr. t. 58. f. 1.*
- *Seb. mus. 1. t. 16. f. 4.*

Frutex. *Folia* lanceolata, sparsa, nuda, punctata. *Flores* terminales, sessiles.

OSMITES *Bellidiastrum* foliis linearibus tomentosis, calycibus scariosis.

Anthemis bellidiastrum *Syst. nat. 1223.*

80. OTHONNA *rigens* scapis unifloris, foliis pinnatifidis.

Arctotis ramis decumbentibus, foliis lineari-lanceolatis rigidis subtus argenteis. *Mill. ic. 33. t. 49.*

Arctotis foliis lanceolatis subtus tomentosis integris laciniatisque. *Leyser orig. 6.*

Anemonospermus foliis rigidis tenuiter divisus subtus incanis. *Raj. suppl. 182.*

Caulis decumbentes, suffruticosi, vel plane nulli, *Folia* lanceolata, petiolata, rigida, subtus niveo tomentosa, indivisa alia, alia quinquesido-pinnata, ut in loco natali. *Scapus* e dichotomia vel radice, longus, uniflorus, in medio uno alterove foliolo lineari. *Calyx* 16-fidus, calyculatus, squamis linearibus, longitudine calycis. *Corolla* Radio sterili aureo, basi nigro; Disco luteo. *Semina* pappo longo simplici. *Receptaculum* nudum.

81. OTHONNA *cymbalarifolia* foliis lyratis: impari reniformi dentato; canlinis summis amplexicaulibus lobatis integris.

Radix

- Radix* bulbo solido. *Caulis* herbaceus, simplex, lævis. *Folia inferiora* petiolis basi amplexicaulibus, lyrata: impari majore reniformi dentato; *Superiora* caulina sessilia, amplexicaulia, cordato-lanceolata, vix dentata. *Pedunculi* floresque terminales, plures. *Calyx* lævis, oblongus: foliolis æqualibus, lanceolatis. *Corollæ* radius purpureus. *VARIETAS* foliis simplicibus trifidis: lobisque trifidis.
82. *OTHONNA linifolia* caule fruticoso, foliis linearibus confertis, pedunculis unifloris.
Caulis fruticosus, compositus, scaber. *Folia* confertissima, linearia, angustissima, viridia. *Pedunculi* solitarii, uniflori, filiformes, foliis longiores. *Flores* parvi, lutei.
83. *CALENDULA fruticosa* foliis obovatis subdentatis, caule fruticoso.
Calendula foliis obverse ovatis denticulatis, caule perenni. *Roy. lugdb.* 531.
Frutex caule erecto, composito. *Folia* alterna, obovata s. oblongiuscula, in petiolos definentia, aliquot serraturis dentata; inferiora, obtusa. *Pedunculi* terminales, longi, uniflori, subvillosi. Radius *corollæ* luteus, subtus purpureus.
84. *ARCTOTIS paleacea* foliis pinnatis linearibus, flosculis radii sterilibus, paleis flosculos æquantibus.
Aster foliis integris angustis, flore magno luteo. *Burm. afr.* 176. t. 65. f. 1.
Caulis ramosus. *Folia* linearia, filiformia, pinnata: pinnis interstitio longioribus. *Pedunculi* axillares, longi: foliis paucis linearibus, simplicissimis. *Calyx* & *Corolla* lutea, facie Chrysanthemi. *Radius* simplex sterilis. *Paleæ* longitudine flosculorum, etiam interius ad basin Pappo e receptaculo enato pilosæ.
85. *ARCTOTIS anthemoides* foliis supradecompositis linearibus, paleis flosculo brevioribus.
Chamæmelum pumilum, foliis angustis pinnatis. *Burm. afr.* 174. t. 63. f. 2.
Planta & *Folia* Chamomillæ simillima, Floris structura Arctotidis est.
86. *ARCTOTIS dentata* foliis pinnatis: pinnis villosis pinnatifido-

Chrysanthemum foliorum pinnis brevissimis dentatis. *Burm.*
asr. 175. t. 64.

Caulis ramosus. *Folia* alterna, linearia, rigidiuscula, pinnata, sub-
 villosa: pinnis recurvis, antice pinnatifidodentatis, brevibus.
Pedunculi longi, uniflori. *Flores* parvi; radio sterili subtus
 violaceo.

87. *ERIOCEPHALUS racemosus* foliis linearibus indivisis.

Abrothanum africanum, foliis argenteis angustis, floribus spica-
 tis. *Raj. suppl.* 233.

Statura & facies Erioceph. africana 1. sed *Folia* omnia indivi-
 sa. *Flores* racemosi pedicellis calyce brevioribus. *Calycis* squa-
 mæ exteriores quatuor, ovatæ, subtomentosæ, a quorum sinu
 demum prodit *Lanugo* mollissima; in medio intra calycem
 interiorum arctioremque flosculi colliguntur. Radium non vidi.

88. *ORCHIS burmanniana* bulbis indivisis, nectarii labello multi-
 partito-lineari, folio amplexicauli cordato.

Bulbi testiculati. *Scapus* nudus, spithameus, villosus. *Folium*
 unicum, subradicale, amplexicaule, cordatum, obtusum, pun-
 ctatum. *Spatha* cucullata, brevissima, uniflora. *Germen* hir-
 tum, *spatha* longius. *Corollæ* Petala tria exteriora lanceolata,
 pilosa. Petala duo ensiformia lævia longiora. *Labellum* latum,
 longum, multipartitum in innumeras lacinias lineares. *Cornu*
 posticum rectum, deorsum curvatum, vix germinis longitudine.

89. *ORCHIS flexuosa* bulbis indivisis, nectarii labello imbricato,
 petalis occultatis filiformibus, scapo flexuoso.

Folia radicalia, ovata. *Scapus* flexuosus, pedalis: *Foliis* alternis,
 remotis, vaginantibus, lanceolatis, parvis. *Flores* parvi, remoti.
Corolla subpapilionacea: Vexillo & alis incarnato albicantibus.
 Petala alaria 2, filiformia, sub vexillo, ejusdemque longitudine
 (stamina non bene vidi). carina f. labellum ochroleucum punctis
 nigris, latius, imbricato-undulatum.

90. *ORCHIS bicornis* bulbis indivisis, corollæ palea bicalcarata, la-
 bello quinquepartito.

Orchis lutea, caule geniculato. *Buxb. cent.* 3. p. 6. t. 6.

Folia radicalia 2, cordata, opposita; *caulina* 3. f. 4, alterna, cucul-
 lata. *Bractææ* lanceolatæ. longitudine spicæ. *Corollæ* galea mo-
 nophylla, fornicata, acuminata, major, labio inferiore annexa;
 postice emittens *cornua* 2 f. calcaria germini incumbentia, nec
 sub-

Subjecta. Petala duo lateralia paulo latiora. Labellum quinquepartitum, lineare: laciniis æqualibus. Styli corpus oblongum, incurvum, sub apice lobis 2 rotundatis.

91. ORCHIS *cornuta* bulbis indivisis, corollæ galea unicalcarata, alis patentibus, labello minimo subovato.
Folia scapi multa, alterna, magna, lanceolata, basi vaginantia. *Spica* laxa. *Bractæe* lanceolatae, flore longiores. *Corollæ* Galea fornicata, oblonga, obtusa, emittens a tergo *Cornu* obtusum, breve, germiini incumbens. Petala 2 lateralia exteriora oblonga, patentia; 2 vero interiora oblonga, galea breviora, apice carnosula, crassiuscula, sub galea fere conniventia.
92. SATYRIUM *cornutum* bulbo indiviso, corolla galea unicalcarata, labello indiviso apice lanceolato.
Folia radicalia aliquot, ovata, parva. *Scapus* filiformis, vaginis 3. f. 4 foliaceis. *Flores* sæpius duo ad apicem scapi. *Petalum superius* breve, acuminatum, postice in calcar adscendens longitudine petali exiens. *Petala interiora* 2, linearia, apice bidentata, subtus lobo notata, subsuperiore occultata, ejusdemque longitudinis, genitalia amplexantia. *Petala lateralia* 2 lanceolata, reliquis longiora, patentia. *Labellum* oblongum, apice attenuatum, inter petala lateralia positum.
93. SATYRIUM *capense* bulbis ---, corollis pedunculatis, labello emarginato utrinque dentato.
Folia radicalia aliquot lineari-lanceolata, substriata, stricta. *Scapus* foliis alternis, amplexicauli-vaginantibus, acuminate, brevioribus. *Racemus* laxis: *Bracteis* lanceolatis, minoribus. *Pedunculi* longitudine florum. *Corolla* 5-petala, subæqualis, lanceolata, præter *Labellum* latius, reliquorum longitudine, apice obtusissimum, emarginatum, utrinque in medio dente obtuso; huic postice *Calcar* brevissimum obtusum.
94. OPHRYS *catholica* bulbis fibrosis, caule folioso, floribus tripetalis: galea ventricosa magna, labello cruciato.
 Orchidi affinis flore luteo. *Buxbaum. cent. 3. p. 12. t. 21.*
Bulbus ex fibris. *Caulis* pedalis. *Folia* tria, alterna, amplexicaulia, lanceolata: Radicalia breviora. *Racemus* 4. f. 5-florus. *Bractæe* longitudine corollæ. *Corollæ* Galea monophylla, ventricosa, magna. Petala 2 lateralia lanceolata, patentia longitudine galeæ. *Labellum* parvum lanceolatum cruciatum, sub galea inflex-laciniis lateralibus patentissimis, ad basin dilatatum utrinque lobo.
95. OPHRYS *circumflexa* bulbis indivisis, corollis tripetalis: alis emarginatis, labello trifido: lateralibus circumflexis.

Orchis barba carens, flore luteo viridi. *Buxb. cent. 3. p. 8. t. 13.*
sed major.

Bulbus subrotundus. *Folia* lanceolata. *Spica* subquinque flora, bracteis
 ventricosis. *Corollæ Galea* valde fornicata, hemisphærica, verti-
 ce mucronata. *Alæ* 2 patentes, bilobæ, lobo superiore majore,
Nectarii labellum erectum, trifidum, intermedia acuta: late-
 ralibus membranaceis, linearibus, recurvato-circumflexis.

96. *OPHRYS castra* bulbis ---, nectarii labio reniformi latissimo
 emarginato.

Bulbus - - - *Scapus* pedalis, lævis, foliatus. *Folia* 3 f. 4, alterna,
 lanceolata. *Racemus* floribus 3 f. 4, luteis. *Petala* tria, lanceo-
 lata. *Labellum* latissimum, reniforme, emarginatum.

97. *ARETHUSA capensis* radice carnosa, scapo foliato, petalis
 exterioribus longioribus caudatis.

Radix oblonga, carnosa. *Scapus* pedalis, basi hirsutus. *Folia* al-
 terna, tria (supremo florali), amplexicaulia, lanceolata. *Flos*
 terminalis. *Petalis* tribus exterioribus duplo longioribus, ovato-
 lanceolatis, in caudam desinentibus. *Petalum* supremum ova-
 le. *Petala* lateralia duo, cordata, obtusa.

98. *MYRICA trifoliata* foliis ternatis dentatis.

Frutex. *Folia* alterna, petiolata, ternata: foliolis sessilibus, lan-
 ceolatis, acuminatis, profunde dentatis, subtus tomentosis. *Fru-*
ctus in racemo (non vero in spica), baccati, scabri.

99. *CENTELLA villosa*

Habitus Dioscoreæ. *Caules* volubiles, villosi, teretes. *Folia* cor-
 data, alterna, petiolata, nervosa, undique pilosa. *Stipulae* 2,
 oblongæ. *Pedunculi* axillares, uniflori, filiformes, pilosi.
Mascul. calyx 4-phyllus, 5-florus. *Stam.* 4. *Femin.* Calyx di-
 phyllus, uniflorus. *Petala* 4, *Styli* 2.

100. *CENTELLA glabrata.*

Habitus Hydrocotyles. *Caules* serpentes, læves. *Folia* alterna,
 lato-lanceolata, trinervia, glabra, integerrima, acuta, petiola-
 ta. *Stipulae* lineares, acuminatae. *Flores* axillares, peduncula-
 ti; affinis *Pluk. phyt. 236. f. 6.* sed diversa.

